

**Kommunini sulisut meeqqanik inuusuttunillu ajornartorsiuteqartunik tunngasunik oqaloqatigiinnissat siunertaralugit sulisut pineqartut qanoq assigiinngitsunik amerlatigisunik, kiisalu suliassiissutinik sulinerminnilu qanoq nammataqartiginersut, taamatullu suliassanut nukissanik naammaattunik peqartitsinersoq, kiisalu isumaginnittunut suliassat qanoq amerlassuseqarnissaat pillugu periarfissaqarneris, tamannalu pissusissamisoortuunersoq pillugit oqaloqateqarnissaq. Naalackersuisut peqquneqarnissaannik Inatsisartut aalajangiiffigisassaatur siunnersuut. Naalackersuisut misissuinerisa naliliinerisalu inerneru nalunaarusiorneqarluni kingusinnerpaamik 1. april 2016 Inatsisartunut tunniunneqassaaq.**(Inatsisartunut ilaasortaq Aaja Chemnitz Larsen, , Inuit Ataqatigiit)

### **Akissuteqaat**

(Ilaqutariinnermut, Naligiissitaanermut Isumaginninnermullu Naalackersuisoq)

### **Siullermeerneqarnera**

Aaja Chemnitz-imut qujanaq siunnersuummik aalajangersimasunik saqqummiussaqaqarnerani.

Siullermik pingaaruteqassusia erseqqissaatigissavara, tassalu aalajangersimasunik suliniuteqartoqartariaqarnera sulinermi atugassarititaasut aamma suliatigut nammatassat annikillisinneqarnissaannut pitsanngorsaasoqarnissaa, sullissisunut meeqqanik inuusuttunillu isumaginninnikkut eqqorneqarsimasunik suliqartartunut. Suliniutit ingerlanneqarput sulilu ingerlanneqassallutik kommunit suleqatigalugit.

Aalajangiisuvoq, sullissisut sulitillutik pitsaanerusunik atugassaqartitaalernissaat, taamaasilluni meerarpassuit inuusuttorpassuillu isumaginninnikkut eqqorneqarsimasut ikiorserneqarsinnaaniassammata pisariaqartitaminnik. Isumaqarpungali, ilitersuutaasumik suliassat amerlassusilerneqarnerinnaasigut ajornartorsiut iluarsineqarnaviangitsoq. Akimortumik iliuuseqarluni suliniuteqartoqarnissaa ingerlanneqartariaqarpoq.

Taamaattumik Naalackersuisut nalinginnaasumik ilaqutariinnut politikkimik suliarinnippot, tassani isumaginninnerup tungaatigut nukittorsaanissaq pingaartinneqarnerpaalluni. Tassunga ilanngullugu sulisut piginnaasaannik ineriartortitsineq, najukkami suliniutinik nukittorsaaneeq, sullissisunut sulinermi atugassarititaasunik nukittorsaaneeq kiisalu ulluinnarni aqutsinerup nukittorsarneqarnissaa kommunit qanimut oqaloqatigalugit aamma suleqatigalugit. Tassunga atatillugu ilisimatitsissutigisinnaavara, suliniutinik arlalinnik aallartitsisoqareernikummat, pineqartumut kivitseqataasussanik.

- Isumaginninnikkut siunnersortinut ilinniagaqaqqissinnaaneq pilersinneqarnikuuvoq, tassani siunertaalluni sullissisut meeqqanut inuusuttunullu suliassanik paasiuminaatsunik suliarinnittarnerini ilinniakkatigut piginnaasaasa killiffiinik qaffasaanissaq aamma eqeersimaarnerulersitsinissaq.

- Najukkami isumaginninnikkut siunnersortinut ilinniartitaanermik aallartitsisoqarsimavoq, tassani siunertarineqarluni isumaginninnikkut siunnersortit ilinniagaqarsimasut amerlassusiiisa qaffassarneqarnissaat, ilinniartitaaneq inulerisunut isumaginninnermi siunnersortit ilinniarsimanningsunut periarfissaq, kigornatigut inulerisutut ilinniarsimasutut ilinnialernissaannut aqutissiussisoq.
- Sullissisunut ingerlaavartunik piginnaasatigut qaffassaataasunik pikkorissartitsisoqartassaaq, tamakku ataatsimoortumik peqataaqataassasut suliassanik suliarninnermi sullissisartut piginnaasaasa sinaakkutaasalu nukittorsarneqarnissaat. Tamanna pissaaq kommunit KANUKOKA-lu qanimut suleqatigalugit.
- Qitiusumik siunnersuisarnermik immikkoortortamik ammaasoqassaaq, meeqqat inuusuttullu tungaasigut kommunini sullissisarnerup sukumiinerusunngortinnissaa qulakkeerniarlugu. Suliassanik ilungersunarinnasunik sullissisarnermi siunnersuisarnikkut ilitersuisarnikkullu, sullissisut ataasiakkaat piginnaasaasa qaffassarneqarnerisigut kiisalu kommunini tamani atugassanik periutsinik ineriartortitsinikkut aamma tapersersuutaasunik sakkoqalernikkut.

Naalackersuisunit akuersaarnartinneqarpoq, aalajangiiffigisassatut siunnersuummi siunnersuutigineqarsimasutut misissuisoqarnissaa tassungalu atasumik nassuiaasoqarnissaa. Pingaartuuvorli, kommunit aamma KANUKOKA suleqatigalugit, suliassat amerlassusissaannut ilitersuutaasumik siunnersuusiortoqannginnerani, nalilerneqartariaqartoq, ilitersuutaasumik suliassat amerlassusissaannut pisariaqartitsisoqarnerisigut. Qanoq isiorluni pissusissamisoortumik sullissisunut ilitersuutaasumik suliassat amerlassusissaannik aalajagiisoqarsinnaanersigut aamma naliliinnermi aallaavigineqassapput unammilligassat pisariaqartitsinerillu kommuninit pigineqartut, kiisalu sullissisartut ilinniagaqarnikkut killiffii aamma ilinniagaqarsimanikkut tunuliaqutaat.

Suliat amerlassusissaattut ilitersuutaasumik sulianut amerlassusiliinissami suliallu suunerinut ilisimasaqarluarnissami, kiisalu taakku sullissisut ulluinnarni sulinerannut qanoq oqimaatsigineri pillugit ilisimasaqarluarnissaaq pisariaqarpoq.

Naalackersuisut kissaatigaat, qitiusumik siunnersuisarnissamik immikkoortortamit misilittakkat nassuiaammi ilaatinneqassasut, taamaattumik Naalackersuisunit allannguutissatut siunnersuummik tulliuttumik saqqummiussaqrput.

Naalackersuisunit peqquneqassapput Kommunini sulisut meeqqanik inuusuttunillu ajornartorsiuteqartunik tunngasunik oqaloqatigiinnissat siunertaralugit sulisut pineqartut qanoq assigiinningsunik amerlatigisunik, kiisalu suliassiissutinik sulinerminnilu qanoq nammataqartiginersut, taamatullu suliassanut nukissanik naammaattunik peqartitsinersigut, kiisalu isumaginnittunut suliassat qanoq amerlassuseqarnissaat pillugu periarfissaqarnerisigut, tamannalu pissusissamisoortuunersigut pillugit oqaloqateqarnissaaq. Naalackersuisut misissuinerisa naliliinerisalu inernera nalunaarusiorninngorlugit Inatsisartunut agguanneqassapput kingusinnerpaamik UKA16-imi.